



DEN NORSKE KYRKJA

Vaksdal kyrkjelege fellesråd

ØKONOMIPLAN 2021 – 2024

OG

**FRAMLEGG TIL BUDSJETT
2021**

Dato: 07.10.2020

INNHALD

Oppsummering av tiltak	3.
Kommentarar til funksjon 041 og 042 – Administrasjon og kyrkje	4.
Kommentarar til funksjon 043, gravplassar og bygg på gravplassane	5.
Kommentarar til investeringsramme på funksjon 042, Kyrkjer.	5.
Kommentarar til investeringsramme på funksjon 043, gravplassar	6.
Heimel og grunnlag for budsjett og økonomiplan	7.
Kommunale planar og overordna mål	8.
Vaksdal kyrkjeleg fellesråd sitt ansvar	8.
1.Litt om Vaksdal kyrkjelege fellesråd	8.
2.Litt om gravplassane i Vaksdal.	10.
3. Driftsramme	12.
4. Vaksdal kyrkjelege fellesråd sitt framlegg til budsjett 2021.	13.

Oppsummering av tiltak

Denne sida summerer opp Vaksdal kyrkjelege fellesråd sine innspel til nye tiltak i budsjett 2021 og økonomiplan 2021 – 2024. Desse tiltaka kjem på toppen av justeringar i budsjettet for prisauke og den vanlege drifta.

FUNKSJON 041 og 042 Administrasjon og kyrkje

I tillegg til deflatorvekst ved det søkt om fylgjande tiltak på funksjon 041 og 042

TILTAK (alle tall i mill kroner)	2021	2022	2023	2024
Diakoni	0,25	0,35	0,35	0,35
Verdibevarende vedlikehald av kyrkjer	0,4	0,4	0,4	0,4
Kontormedarbeidar	0,5	0,5	0,5	0,5
Sum	1,15	1,25	1,25	1,25

FUNKSJON 043 GRAVPLASSER, BYGG PÅ GRAVPLASSANE

I tillegg til deflatorvekst vert det søkt om fylgjande tiltak på funksjon 043

TILTAK (alle tall i mill kroner)	2021	2022	2023	2024
Verdibevarende vedlikehald gravplassar og klokketårn	0,2	0,2	0,2	0,2
Sum	0,2	0,2	0,2	0,2

INVESTERINGSRAMME funksjon 042 kyrkjer

I tillegg til deflatorvekst vert det lagt fram fylgjande budsjett for tilskott:

(alle tall i mill kroner)	2021	2022	2022	2024
Rammetilskot	0,2	0,2	0,2	0,2
Ekstratilskot universal utforming Dale kyrkje	0,5			
Ekstratilskott WC-bygg Nesheim kyrkje		1,0		
Sum	0,7	1,2	0,2	0,2

INVESTERINGSRAMME funksjon 043 gravplssar

I tillegg til deflatorvekst vert det lagt fram fylgjande budsjett for tilskott:

(alle tall i mill kroner)	2021	2022	2022	2024
Oppgradere gravplassane til SOSI-Standard*	0,5	0,5	0,5	0,5
Utvidelse Dale gravplass		8,0		
Sum	0,5	8,5	0,5	0,5

Kommentarar til funksjon 041 og 042 – Administrasjon og kyrkje

1. Diakoni

Diakoni er kyrkja si omsorgsteneste uttrykt gjennom praktisk handling i medmenneske sin kvardag, og dette arbeidet er både førebyggjande og lindrande i sokn og nærmiljø. Arbeidet bygger i stor grad på frivillige ressursar og utstrekt samarbeid med andre organisasjonar og det offentlege hjelpeapparat. Dette skal være et lågterskeltilbod i nærmiljøet til både barn, unge og vaksen. Samtalegrupper, kulturaktivitetar, leksehjelp og språkopplæring er noko av det kyrkja kan tilby i denne typen stilling. Kyrkja erfara ein auka etterspørsel frå menneske i forskjellige livssituasjonar og fasar, der dei har bruk for diakonale tiltak.

Vaksdal har lenge ikkje hatt ei diakonstilling sjølv om ei slik stilling kan finansierast i kombinasjon kommunale midlar og midlar frå Bjørgvin bispedømme. Ei bevilgning frå kommune vil gjere det mogleg å få på plass ei diakonstilling iløpet av 2. halvår 2021. Erfaringar frå mellom anna Bergen viser at desse tiltaka er positive både for folk i kommunen og den totale kommunale økonomien sett under eit. Mao so er det slik at for kvar krone kommunen legg inn i eit slikt arbeid får dei meir en ei krone tilbake.

For å få midlar frå Bispedømme er det er forutsetning at 50 % av stillinga vert finansiert lokalt Ved ein kombinasjon av kommunale og statlege midlar, ynskjer me å tilsette ein diakon i VKF.

2. Kontormedarbeidar.

Vaksdal kyrkjelege fellesråd har i lengre tid hatt behov for ein kontormedarbeidar/sekretær. I dag er det slik at kyrkjevevja er den einaste merkantile resursen ved kontoret. Dette gjer organisasjonen svært sårbar. Den fører også til at både kyrkjevevja, og andre tilsette stadig vekk lyt gjera arbeid som ikkje ligg under deira stillingsinstruks. Når ein sit med hovudansvaret for kyrkjebygg og gravplassforvaltninga er det viktig for VKF at dette vert trygga på ein god måte. Ein merkantil resurs i ein 50% stilling vil kunne hjelpe til med.

3. Vedlikehald av kyrkjer

Kyrkjebygga våre er monumentale bygg – signalbygg i landskapet – som betyr svært mykje for mange av innbyggjarane i Vaksdal

VKF arbeider systematisk med å ta igjen mange års etterslep på vedlikehaldet av kyrkjene våre. Me har lagt mykje tid i å få oversikt over den tekniske standen til kvart enkelt kyrkjebygg. Etter kvart som nye kyrkjer vert rehabilitert, er det viktig at me har nok midlar til verdibevarende vedlikehald slik at kyrkjene ikkje forfell på nytt. Forslaget om ei opptrapping av vedlikehaldsmidlane med 600 tusen kroner pr år vil delvis bidra til å bevare verdien på kyrkjebygga som fellesrådet forvaltar.

Kommentarar til funksjon 043, gravplassar og bygg på gravplassane

VKF som gravplassforvaltning for Vaksdal kommune legg vekt på å bevare gravplassar der folk bur, i tråd med kommunens planer og strategi. Det skal leggjast til rette for alternative gravferdsformer som til dømes retningbestemte graver og namna minnelund. Det er naturleg at ei slik tilrettelegging vert gjort på dei meir sentrale gravplassane i kommunen (Dale og Vaksdal). Gravplassane i Vaksdal skal ha parkstandard, og skal vera ein eigna stad til ro og ettertanke. Det er svært viktig at gravplassane er livssynsopne.

Me ynskjer spesielt å ta vare på dei av gravplassane våre som er freda etter kulturinnelova (Stamnes, Eksingedalen og Nesheim). Fellesrådet vil lage ein eigen verneplan for desse samt andre enkelt monument på andre gravplassar i kommunen som ein skal ta slikt omsyn til.

1. Verdibeverande vedlikehald av gravplassar.

I tillegg til dei gravplassane kommunen har ansvar for gjennom tenestyttingsavtala mellom kommunen og fellesrådet, har kyrkjeleg fellesråd ansvar for 4 gravplassar. På desse gravplassane står det også bygg som skal vedlikehaldas (redskapsskur, klokketårn). Me ser spesielt at fleire av bygga har behov for naudsynt vedlikehald. Slik drifta er idag kan ein vanskeleg syte for at gravplassane våre vert haldne i hevd, slik som folk i Vaksdal har krav på. Difor ber me om ekstra midlar her på toppen av den vanlege prisveksten

Kommentarar til invisteringsramme på funksjon 042, Kyrkjer.

1. Universell utforming Dale kyrkje

Kyrkjene våre er bygg som stadig treng oppgraderingar. Det er eit ynskje om at alle skal kunne nytte kyrkjene våre. Dale kyrkje er den kyrkja i kommune der det er mest aktivitet. I tillegg til kyrkjelege handlingar, vert den nytta mykje som konsertarena for kor, korps og andre. I fleire år har det vore eit ynskje frå folk på Dale og Dale sokneråd, at det vert laga ein inngang som er universelt utforma. Dette prosjektet er prisa til 0,5 mill.

2. Toalett Nesheim kyrkje

Nesheim kyrkje er den kyrkja i Vaksdal som er listeført. Toalettilhøva i kyrkja slik dei er idag er svært dårlege. Toalettet ligg under sakristiet, og einaste inngongen er ei bratt steintrapp. Om vinteren er det i praksis umogleg å nytta det. For folk med rørslehemming er det ikkje mogleg å nytta det om sumaren heller. Me tenker at det er eit minstekrav at folk som nyttar kyrkja skal ha tilgjengeleg toalett. Sidan kyrkja er listeført vil det være svært dyrt å anlegga eit toalett i kyrkja, eller laga eit tilbygg direkte på kyrkja. Det beste og rimelegaste alternative er å bygge på eit allereie eksisterande bygg som står like utanfor kyrkjemurane. Prosjektet er prisa til omlag 1.mill.

Kommentarar til investeringsramme på funksjon 043, gravplassar

1.Nye GPS oppmålingar og SOSI standard på gravplassane.

Som ellers i samfunnet er det innanfor fagfeltet gravplass aukande digitalisering. Som krav til alle nybygde gravplassar ligg det no at det skal være SISO-standard på gravkarta (*SOSI = Samordnet Opplegg for Stedfestet Informasjon*). Dette vil sei at alle graver skal ha eigne GPS koordinatar. Dett vil på sikt gjera arbeidet til administrasjonen og dei som gjer det fysiske arbeidet på gravplassen lettare.

Men før me kan gjera oss nytte av denne standarden står me framfor krevjande oppmålingar. Ein lyt rett og slett syte for at dei nye «GPS-karta» stemmer med det verkelege terrenget. Det manglar standard ting som fastmerke på fleire av gravplassane. Det er heller ikkje alltid gjort ein like god jobb når det gjeld å måle seg fram til kvar grava skal ligge. Dette gjer at over mange 10-år med omtrentleg måling er det ikkje mange snorrette rekker på gravplassane våre. Om me skal innføre SOSI standard vil det verta mykje praktisk arbeid på sjølve gravplassane. På enkelte gravfelt, vil ein nok måtte gå so langt at gravsteinar må flyttast. Me vil i 2021 starte opp dette arbeidet med eit forprosjekt. *Dette forprosjektet vil mellom anna avdekke kva finansieringsbehov ein vil ha til dette i åra som kjem**

2.Vaksdal kommune skal vedta utbygging av gravplass på Dale iløpet av 2020.

Det er svært positivt at Vaksdal kommune i sitt budsjett for 2018 gav 1 million i mildar til eit forprosjekt for utviding av Dale gravplass. VKF legg til grunn at det iløpet av 2021 vil bli gjort endringar i reguleringsplanen og eventuelt tomtekjøp. Den totale investeringsramma på gravplassen på Dale vil ha ein minimumspris på 8 millionar

Heimel og grunnlag for budsjett og økonomiplan

Den norske kyrkja si verksemd og økonomiske grunnlag er regulert i kyrkjelova og gravferdslova

Kirkelova § 15 slår fast at kommunen utreder følgende utgifter etter budsjettforslag fra kirkelig fellesråd:

- a) utgifter til bygging, drift og vedlikehold av kirker,*
- b) utgifter til anlegg og drift av gravplasser,*
- c) utgifter til stillinger for kirketjener, klokker og organist/kantor ved hver kirke, og til daglig leder av kirkelig fellesråd,*
- d) driftsutgifter for fellesråd og menighetsråd, herunder utgifter til administrasjon og kontorhold,*
- e) utgifter til lokaler, utstyr og materiell til konfirmasjonsopplæring,*
- f) utgifter til kontorhold for prester.*

Fellesrådet sitt budsjettforslag skal også omfatta utgifter til kyrkjeleg undervisning, diakoni, kirkemusikk og andre kyrkjelege tiltak i sokna.

At kommunen skal utrede desse utgiftene vil sei at bevilgningene til kyrkja ikkje har karakter av vanlege tilskot, men at kommunen har ein særskild forpliktelse til å sikra den lokale kyrkja forutsigbar økonomi. I rundskriv fra KKD, V-5/2002 blir samhandlingen mellom kyrkja og kommunen gjort rede for på denne måten:

«Det er et nasjonalt mål at den kristne kulturarven og det kristne verdigrunnlaget skal holdes levende i samfunnet

Den nærhet mellom kirke og kommune som Kirkeloven bygger på, innebærer at liksom kommunen skal legge til rette for infrastruktur, bosteder, kommunale velferdstjenester, med mer, - til beste for byens innbyggere, slik skal kommunen også gi tjenlige rammebetingelser for kirkens virksomhet»

Kommunale planar og overordna mål

Vaksdal kommune har i sin kommuneplan sakt noko om kva mål og kva retning me ynskjer for kommunen vår. Bynært bygdeliv er kommunen sin visjon. Dette vil me oppnå gjennom å være *nyskapande, open, og skape samhald*. Dette er gode klare verdiar, som kyrkja i Vaksdal kan være ein del av. Me ynskjer å være ei open folkekyrkje der det er rom og plass til alle. Me vil være nyskapande i måten me kommuniserer på, og i aktivitetar som me har. Samtidig veit me at kyrkja er ein viktig aktør som skapar samhald i kommunen. I fleire av bygdene våre er kyrkja den siste «offentlege institusjonen» som er igjen.

Vaksdal kyrkjeleg fellesråd sitt ansvar

Vaksdal Kyrkjelege Fellesråd er eit sjølvstendig organ, heimla mellom anna i kyrkelova og gravferdslova.

Soknene i Den norske kyrkja i Vaksdal

Kyrkelova § 14 fastslår at kyrkjeleg fellesråd i kommunen;

"skal ivareta administrative og økonomiske oppgaver på vegne av soknene, utarbeide mål og planer for den kirkelige virksomheten i kommunen, fremme samarbeid mellom menighetsrådene og ivareta soknenes interesser i forhold til kommunen"

Videre er ansvaret for bygging, forvaltning, drift og vedlikehold av kirker lagt til det kirkelige fellesråd.

1. Litt om Vaksdal kyrkjelege fellesråd

Her kjem litt meir informasjon om VKF og kyrkja i Vaksdal sitt arbeid. Ein kan finne dette og mykje anna informasjon i årsmeldinga til VKF

VKF er arbeidsgivar for alle dei tilsette i sokna i Vaksdal (omlag 4 årsverk fordelt på 14 stillingar). Kyrkjevevja sin administrasjon har 1 årsverk. Alle stillingar i kyrkjene i Vaksdal er lønna av VKF. I tillegg er det registrert meir en 100 frivillige som gjennom arbeidsinnsats og engasjement er viktige bidragsytarar inn i sokna sine aktivitetar og i drift og vedlikehald av kyrkjene og gravplassane våre.

Statistikk kyrkjene i Vaksdal 2019

	Bergsdalen	Dale	Eksingedalen	Nesheim	Stamnes	Vaksdal	Samla
Gudstenester	11	33	7	9	24	37	121
Frammøte, totalt	404	1.518	166	273	880	1.859	5.100
Døypte	4	5	1	0	3	9	22
Konfirmerte	0	11	1	0	3	15	29
Vigslar	1	1	1	1	1	0	6
Gravlagde	2	14	0	1	8	12	37
Innmeldte	0	1	1	0	0	0	2
Utmeldte	1	7	3	0	2	2	15
Medlemar/tilhørig pr 1/1-20	58	1.631	59	56	419	1.007	3.233

VKF Har ein tenesteytingsavtale med Vaksdal kommune, der dei kjøper driftstenester på gravplassane Vaksdal, Stanghelle, Dale og Stamnes. VKF kjøper rekneskapstenester frå Aider regnska

Listeførte kyrkjer i Vaksdal

Ansvar for verna og listeførte kyrkjer er ifølge Kyrkelova lagt til fellesrådet, på same måte som dei andre kyrkjene i Vaksdal. I Vaksdal er det Nesheim kyrkje som er listeført.

Som kjent so har me kyrkjer i nesten alle kyrkjene i Vaksdal (7 bygg totalt). Desse kyrkjene ivaretar VKF på vegen av sokna, som brukar dei, men også for samfunnet som heilskap. Kyrkjebygg, er monumentalbygg som er historie-, kultur- og arkitekturbærarar for alle innbyggjarar i Vaksdal uavhengig av tilknytning til kyrkja

Rehabilitering kyrkjer

Kyrkjene VKF drifter og forvaltar med bevillingar frå Vaksdal kommune utgjer omlag 3000 Kvadratmeter. Tilstandsanalysar og rapportar gjev grunnlaget for planar for vedlikehald og invistering. Når fellesrådet skal vurdere kva prosjekt som er viktige, vert det sett på fylgjande moment

- *Krav frå styresmaktene (HMT, el-tryggleik, brannvern mv)*
- *HMT (fare for liv og helse må unngås)*
- *Nødvendig rehabilitering på bakgrunn av rapportar og analyser.*
- *Andre rehabiliteringsbehov*

Universell utforming av kyrkjene i Vaksdal

Alle offentlege bygg skal ha universal utforming. Dette har me eit stort ynskje om å klare Kyrkjene våre skal vera opne for alle som ynskjer å koma. Diverre er dette eit mål som me enno er langt unna. Dels fordi at det er store investeringar som krev ekstramidlar. Og dels fordi at det er ikkje alle kyrkjer der dette er mogleg å gjennomføra

ENØK-tiltak/Grønn strategi

Vaksdal Kyrkjelege Fellesråd ynskjer å ta sin del av ansvaret for klimaforbedrande tiltak. Det grøne skifte skjer no, og dette vil me som kyrkje lokalt og kyrkja sentralt vera ein del av. Kva kan me i Vaksdal gjera for å minska miljøavtrykket vår? Dei mest effektive tiltaka er å sjå på innkjøpsrutinar og gjenbruk, samt å senke energibruken. Me jobbar til dømes med forbetring av ventilasjonsanlegg, etterisolering, styringssystem for varme i kyrkjene mm.

Gudstenester, konfirmantarbeid og annan kyrkjeleg verksemd

Me i kyrkja i Vaksdal ynskjer å vera ei folkekyrkje, der fleire og fleire av innbyggjarane i Vaksdal kan finne sin plass, og si oppgåve. I dei minste bygdene våre er kyrkja det siste offentlege tilbodet som er igjen. I dei store bygdene våre er me ein av fleire tilbydarar. For utan dei ordinerte gudstenestene driv kyrkja i Vaksdal eit stort borne og ungdomsarbeid. Konfirmasjonsundervisninga står sentralt i dette. Me har også Vegen i Vaksdal som er namnet på trusopplæringa i kommunen. Her tilbyr me mellom anna babysong og generasjonssong. Kyrkja er so absolutt ein del av den syngjande kommunen. Prestane våre driv eit tustrakt sosialt arbeid, der dei mellom anna har mange samtalar med folk som er i vanskelege livssituasjonar.

2. Litt om gravplassane i Vaksdal

Gravferdslovens § 3 seier at

- *kirkelig fellesråd har ansvaret for at gravplasser og bygninger på gravplasser forvaltes med orden og verdighet og i samsvar med gjeldende bestemmelser*

Vaksdal kyrkjelege fellesråd har ansvar for gravplassforvaltninga i Vaksdal, jfr. Kirkelovens § 14 og Gravferdsloven. Gravplassforvaltning er ei oppgåve som VKF har på vegne av samfunnet. Alle Kommunens innbyggjarar vert handsama på same måte uavhengig av trus- og livssyn. Kommunen har i tillegg eit direkte ansvar ifølge gravferdsforskriften § 2 og skal syta for at det er tilstrekkeleg areal til gravplassar og skal sjølv, i samråd med kyrkjeleg fellesråd, regulere slikt areal etter plan og bygningsloven. Me har dei siste åra hatt sterkt fokus på gravplassane våre. Me ynskjer å heve standarden, og samtidig søkje å gjera dei tilgjengelege og meir livssynsopne. Me er svært glade for prosjektet med å utvide eksisterande gravplass på Dale.

Gravplassplan – «Verdig gravferd for alle»

I 2021 skal me vedta ein gravferdsplan for Vaksdal kommune ble Vaksdal kommune. Planen kjem til å beskriva dei einskilde gravplassane sitt investeringsbehov dei neste 10 åra. Det er forventa at dette vil komma på over 10 millionar.

Planen skal sikre innbyggjarane i Vaksdal en verdig gravferd og hovudprinsippet er at alle skal få grav der de bor / ønsker. Planen har i tillegg tiltak for brukaromsyn inkludert tilrettelegging for tros- og livssyn, kultur og historie, miljø- og klimakostnader og demografikostnader. Vaksdal kyrkjelege fellesråd ser fram til å utarbeide ein slik plan i nært samarbeid med kommunen.

Fellesrådet har tidlegare meldt om økt behov til investeringar på gravplassområdet spesielt med tanke på utviding av Dale gravplass.

Planen kjem til å leggja opp til fleire utbetringar, og tiltak på gravplassane våre. Ei hovedprioritering for investering vil vera å auka talet på graver. Dette kan skje med rein utviding av gravplassar, eller ved rehabilitering og gjenbruk av arealet som alt er nytta til gravplass. Ein annan sak som er svært viktig for VKF er å få anlagt minst eit livssynsnøytralt sermonirom i kommunen.

Planen vil også ta opp i seg behov for investering på infrastruktur, som VA- anlegg, vannpostar, vegar, murer og gjerder og bygningar. Tiltaka som vert prioriterte dei fyrste åra er det å sikre nok graver

Rehabilitering, masseutskifting og omregulering eksisterende areal

Gravplassane må stadig utbetrast. Det er nødvendig for å kunne tilrettelegge for ny gravlegging innanfor eksisterande areal og med tanke på tryggleik. Det er også viktig for at gravplassane skal være en verdig ramme rundt gravferda og egna til ro og ettertanke for deis om nyttar han. Utbetringa inneber masseutskifting av jord, omregulering av gravfelt, rehabilitering av vann og avløp mm. Tilstandsanalysar skal dokumentere nødvendige tiltak og legge grunnlag for prioritering.

Prosjekt frigjøring av areal

Gjennom systematisk arbeid har vi fått oversikt over dei aller fleste gravene utan eigar. Arbeidet har vore igang sidan 2012 og er avslutta. Me har no ein årleg runde der me sletter graver, grunna at festarane sei ifrå seg feste. Dette gjer at me ikkje lenger treng å planlegge formutviding av Vaksdal og Stamnes gravplass

Andre tiltak

Me ynskjer at gravplassane våre skal vera universelt utforma der dette er mogleg. Ofte er det svært enkle tiltak som skal til for å gjera ting betre. Grusing av vegane på gravplassane er eit eksempel på eit slikt tiltak

3. DRIFTSRAMME

For 2020 har VKF fått innvilga ei driftsramme som er den same som for 2019. Dette betyr at det ikkje er justert for generell prisvekst, eller kommunen sin egen deflator. Me tar difor eit reelt kutt i budsjettet i 2020.

Når me har budsjettert for 2021 har me tatt utgangspunkt i det reelle behovet VKF har for ei god og sikker drift. Viare har me laga ein økonomiplan der me ser på kva utgifter me vil frå frametter. Økonomiplan er ikkje justert for deflatorvekst, sidan denne varierer noko frå år til år.

DRIFTSBUDSJETT FUNKSJON 041 TIL 044

Budsjettsøknad for 2021 samt økonomiplan fram til og med 2024

NOK
'000

Uten tillegg for deflatorvekst budsjeteres driften slik:

DRIFTSBUDSJETT	2021	2022	2023	2024
Inntekter:				
Salg, egenbetalinger og avgifter	-571	-571	-571	-571
Tenesteytingsavtale med Kommunen (Kalkulatorisk Inntekt)	-950	-950	-950	-950
Tilskott frå Kommunen	-6 620	-7 059	-7 059	-7 059
Andre refusjoner (MVA refusjon)	-491	-491	-491	-491
Andre tilskot/gaver	-60	-60	-60	-60
Trosopplæringstilskott frå Den norske Kyrkje	-365	-365	-365	-365
Tilskott frå Bispedømet (Staten) til Diakoni	-174	-348	-348	-348
SUM INNTEKTER FRÅ DRIFT	-9 232	-9 845	-9 845	-9 845
Utgifter:				
Lønn og sosisle utgifter	4 729	5 342	5 342	5 342
Varer og tenester	3 057	3 057	3 057	3 057
Tenesteytingsavtale med Kommunen (Kalkulatorisk Utgift)	950	950	950	950
Andre refusjoner (Betalt MVA)	491	491	491	491
Andre utgifter (tilskott, gåver til andre, tap på fordringar)	5	5	5	5
SUM UTGIFTER TIL DRIFT	9 232	9 845	9 845	9 845
Brutto Driftsresultat	0	0	0	0
Finansutgifter	0	0	0	0
Finansinntekter	0	0	0	0
Netto Finansresultat	0	0	0	0
NETTO DRIFTSESULTAT	0	0	0	0

4. Vaksdal kyrkjelege fellestråd sitt framlegg til budsjett 2021.

Vaksdal kyrkjelege fellestråd vil med bakgrunn i økonomiplan og dei tala som ligg til grunn for denne be om fylgjande løyvingar frå Vaksdal kommune

Driftsbudsjettet viser fylgjande behov for kommunale rammeløyvingar

Kr 6.620.418,-	Er budsjetterte driftskostnadar til kyrkjeleg verksemd og gravplassar i 2021
Kr 950.000,-	Tenesteytingsavtale VK og VKF 2021
Kr 1.200.000,-	Investeringsbehov i 2021
<u>Kr 8.770.418</u>	<u>Totalsum drift og investering</u>

Budsjettframlegget er bygd på føresetnadane i Kyrkjelova §15 og gravferdslova §3 om kommunen sitt økonomiske ansvar. Vedlagt ligg budsjettal og økonomiplan 2021-2024